



江蘇省地方志編纂委員會辦公室 編

江蘇歷代方志全書

87



江蘇省地方志編纂委員會辦公室編



鳳凰出版社

江蘇歷代方志全書

87

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. — 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295.3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253.25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200.00圓(全九十九冊)
(本書凡印裝錯誤可向承印廠調換, 電話: 0514-87969255)

康熙崑山縣志(四)

(清) 杭允佳 纂修



第八十七册目錄

康熙崑山縣志（四）		〇〇一
乾隆崑山新陽合志（一）		三八三

崑山縣志卷第十八

人物七 游寓

游寓之得存以其人足重也或因而卜宅以繫其族或墳墓第宅故蹟可考並得徵而集之

晉王珉字季琰少有才藝善行書與兄珣齊名歷著作散騎郎黃門侍郎侍中代王獻之為長兼中書令世稱獻之為大令珉為小令珣為吳國內史珉買宅居崑山後珣舍虎丘別業為寺珉亦舍崑山宅為寶馬寺太元十三年卒追贈太常

唐陸龜蒙字魯望少高放通六經尤明春秋嘗舉進士不第從張搏辟為蘇湖從事後居湘江南里自號江湖

敬人又號天隨子甫里先生自比涪翁漁父江上文
人每乘扁舟設蓬席齋東書茶灶釣具筆牀往來江
湖間不喜與流俗交雖造門不見有笠津叢書吳興
日錄松陵集行于世

按凌志在
氏族中

宋唐輝字子明吳郡人寓居崑山以文學名於時登政
和進士第紹興中為諫官仕至禮部侍郎弟燁字子
壽建炎進士其後並居本邑城中有叔達者官通直
郎賜緡年九十猶強健云

張匯字朝宗其先濮州人洛陽耆英令中龍圖直學士
士張燾之孫匯當南渡初五為浙漕建臺玉峰因家

馬常卿棘寺以刑清特詔褒美有辭好生之德行寬
大之政等語官至中大夫直寶文閣其後皆為崑人
龔倚汴人為殿中侍御史扈從高宗南渡道經崑山真
義折銀杏一株挿地祝曰若此枝得活吾當居此其
枝果長後成大樹累枝蟠屈如癭如乳者七十餘顆
時人異之稱為龔遇仙樹子孫遂為崑人

盛德肆大梁人南渡初以左司郎中煥章閣待制充蘇
湖撫諭因家崑山之高墟就其地為依綠園池臺竹
石極一時之勝後官至按察使五世孫頤

洪見名

臣見名

商孫

劉過字改之吉州太和人自號龍洲道人尚氣節喜飲
酒為詞章豪放英特高視一世至叩閣一書請光宗
過宮言極剴切尤諸公所稱許陳亮陸游辛棄疾皆
折節與交周必大作相欲客之門下不就也時故人
潘友文宰崑山延致之因取婦而家焉既死無子貧
不能葬友文與主簿趙希楸共買地馬鞍山東葬之
并祠于東齋之側陳止安誌其墓名人題咏甚多見藝
文邑人呂大中嘗裒諸詩作楚些遺音行于世所著
有龍洲集

易斗南一名斗元

字復之號蓮峯廬陵人登咸淳進士為常

熟尉攝警崑山因家焉子偉字成大號兼山幼失怙恃
負氣積學能自卓立試吏平江再調嘉興三擢浙江
省幕官以吉水州判官致仕居間惟以禮法繩子孫
喜為詩歌人稱兼山先生曾孫恒逸見隱

高晞遠字照菴通州人咸淳德祐間通判平江府城濱
家亡焚然一身浮游江湖後館于石浦衛叅政家晞
遠資稟秀朗學問該博尤精邵雍之學嘗手截竹為
管定五音六律細微弗差晚嗜叅同契研究尤力凡
太乙六壬諸家悉臻其妙

元俞君登字泰卿福州長樂人早孤母黃氏親授以書

宋季累徵不起晚年隱居于婁自號知止翁延祐中卒門人私謚曰貞節先生子焯字元明泰定進士顧信字善夫由崇明徙居崑山大德初為浙江軍器提舉讀書嗜學敦尚儒雅以能書稱從吳興趙文敏公游得其書必鑄于石構亭曰墨妙晚年號樂善居士

俞鉉字士平江西豐城人明敏該博工詩文至正間為江浙儒學提舉徙居崑山之太倉

楊諛字履祥浦城人徙居于婁與秦玉表華為友博學有才行不慕聲華專工著述有宋著龜錄帝王圖辨

素王道史姓氏通辨諸書自號東溪老人曾為崑山州學訓導作崑山縣志楊鐵崖為之序

盛德瑞字祥夫其先江陰人少孤鞠于祖母始冠徙居崑山以周易教授閭里至正中聘入郡庠為訓導歷事七年教績甚著有易辨五卷

鄭東字季明平陽人寓居崑山天分絕人再試不遇遂棄去肆力古文思如湧泉弟采字季亮因東客于崑來就東學為文皆有矩度宗濂堂序其聯璧集曰東之文氣韻沉雄采之文規製峻整君子以為知言

陸仁字良貴河南人寓崑山為水軍都萬戶幕僚明經



好古取為詩清雋奇偉如佛郎國進天馬頌水仙廟
迎送神詞度黃河望神京諸篇士大夫莫不稱道其
歐楷章草皆洒然可觀

盛或字季父常熟人生于富室篤志力學工詩文值元
季兵亂徙家崑山與楊維禎鄭東秦約文質陸仁輩
遊所著有歸胡岡集後生累泊舟金山朗吟一律
投筆而逝

夏迪字君啟吉安人元季之亂以海道萬戶統衆至崑
洪武初贅而家焉結廬讀書詩酒自適嘗自詠曰一
劍江湖已十秋中原無復舊西周便應抱膝崑丘下

肯冒人間兒女羞其志節可尚矣號樂道先生年八十餘卒

明盧昭字伯融閩人寓居婁東父鈞筆善于教子昭從明師學文史百家靡不探究尤長于詩所作皆有法度洪武初以荐授揚州教授

趙允中字先和其先開封人元至正間任平江路市舶提舉因家崑山洪武七年以荐任刑部員外郎遷大理寺評事子英廣州府知事

陳朝典字徵五太倉人端方靜正終日危坐手不釋卷冬不罽夏不扇不袒裼不為博奕戲不觀稗官小說

與子言孝與弟言弟援經引史侃、不倦著書教授者五十餘年學者謂有溫公家法稱為溫如先生以詩酒自娛家徒四壁意豁如也甲申後遷崑山之蔚村所著有聖諭六解家傳六禮蔚村詩集年八十二

子瑚領壬午鄉荐

人物八列女

女子不幸而以節見節著矣其事不傳非天道也故傳列女者當以節為主考之方志載宗龔氏以文學稱王氏以敏慧稱皆大家賢媛如論苦節宜送季志

元朱婦茅氏崇明西沙人都水監朱虎妻河南行省左丞清子婦也大德七年二月虎坐事籍其家茅氏及二子俱錄送京師沒屬官醫提點師旦時茅年三十二誓不失身與二子衣裾連結晝夜號泣不食者數日師以勢臨之終不能奪故人王大卿等義而哀之合錢贖回寓于昭回坊永安尼寺痛念家禍悲憂成疾明年四月卒後三十七年虎兒子謙言於有司省部



數實至元五年旌表其墓仍錄付史館知州僕僕斯
立石墓上

周婦張氏太倉張百夫女年十七始贅夫至正十六年
立鎮海萬戶于東倉張百夫謀制其帥事泄誅其家
婦之父母及夫皆死次縛婦于武陵橋將斬之帥之
子惜其姿容語曰能送我活汝命婦怒曰豈有父母
死而我獨生者乎又誘之曰苟送我當葬汝夫及父
母屍婦益怒曰我惟知死耳他無望也帥子拔刀磨其頸
曰汝不從斷汝首啖汝肉婦罵曰不義賊而父既殺我
父而乃欲活我耶帥子度不可脅憤而殺之會稽楊